

ԳԻՏԱԿԱՆ ԻՆՖՈՐՄԱՑԻԱ НАУЧНАЯ ИНФОРМАЦИЯ

ԳԱՌՆԻԻ ԵՆԹԱԶՆԱՐԱԿԱՅԻՆ ՆԿԱՐԱԶԱՐԳՈՒՄՈՎ ԽԵՑԵՂԵՆԸ

Հայաստանի XIII դարի երկրորդ կեսի և XIV դարի ենթաշնարակային նկարազարդումով խեցեղենի ուսումնասիրությունը երկար պատմություն չունի: Այդ խեցեղենի առաջին օրինակները երևան եկան դեռևս Անիի պեղումների ժամանակ¹, որոնք միայն կես դար հետո համեստ տեղ դրավեցին Բ. Շելկովնիկովի՝ Անիի շնարակայատ խեցեղենին նվիրված աշխատության մեջ²:

1936 թ. Անբերդում գտնված այս խեցեղենի մի քանի օրինակներ հրատարակել է Տ. Իզմայլովան, որը թվագրել է դրանք XIV—XV դդ.՝ համադրելով միջինասիական խեցեղենի հետ³: Դառնիում գտնված որոշ օրինակներ միջնադարյան Հայաստանի բաղաձայնի և արհեստներին նվիրված մենագրության մեջ բնագրվել է ակադ. Բ. Ն. Առաքելյանը: Հեղինակն առաջին անգամ Հայաստանում այդ խեցեղենի թվադրման ներքին սահման է նշել XIII դարի երկրորդ կեսը, ուղադրություն հրավիրելով այն փաստի վրա, որ Դվինում նման խեցեղենը բացակայում է⁴:

Գառնիի 1949—1956 թթ. պեղումներից հայտնարկված միջնադարյան խեցեղենը հրա-

պարակել է Գ. Կարախանյանը: Հեղինակն առանձին կանգ է առել նաև ենթաշնարակային նկարազարդումով խեցեղենի վրա՝ հատուկ ուղադրություն դարձնելով տեղում այս խեցեղենի արտադրության փաստերին⁵:

Հայաստանի XIII դարի երկրորդ կեսի և XIV դարի հախճապակուն նվիրված ուղադրվ հոդվածում Անիի, Անբերդի և Գառնիի ենթաշնարակային նկարազարդումով որոշ բեկորներին անդրադարձել է Ա. Ժամկոչյանը⁶:

Վերջին երկու տասնամյակներում Գառնիում կատարված պեղումների շնորհիվ հայտնաբերվել են նոր նյութեր, որոնք հնարավորություն են տալիս ընդարձակել բնավող ժամանակաշրջանի խեցեղենի տեսականին ընդհանրապես և կատարել ավելի մանրամասն դասակարգում⁷:

Գառնիի խեցեղենը խիստ բեկորային է, համարյա բացակայում են ամբողջական օրինակները: Սա թերևս բացատրելի է, եթե նկատի ունենանք, որ ամբողջ տարածքում, որտեղից ծագում են այդ նյութերը, հորեր շատ քիչ են եղել: Զարգված, ոչ պիտանի իրերը բնակիչները թափել են ձորը: Այս հանգամանքը մի կողմից հնարավորություն չի տալիս ավելի մանրամասն և ամբողջական ներկայացնել անոթների ձևերը, զարդանախշման ողջ հորինվածքը, մյուս կողմից էլ ստիպում է ավելի մեծ ուղադրություն դարձնել բեկորներին:

XII դարում Մերձավոր Արևելքի խեցեղոր-

¹ Н. Я. Марр. Раскопки в Ани в 1904 году.—Известия Императорской Археологической комиссии. Вып. 18, Спб., 1906, с. 2; И. А. Орбели. Каталог Анийского музея древностей.—Избранные труды. Ереван, 1963, с. 51—58.

² Б. А. Шелковников. Поливная керамика из раскопок города Ани. Ереван, 1958, с. 62—64, рис. 37, 38.

³ Т. Измайлова. Керамика из раскопок в Анберде.—Труды Отдела Востока Государственного Эрмитажа, т. IV, Л., 1947, с. 185—187.

⁴ Բ. Ն. Առաքելյան. Քաղաքները և արհեստները Հայաստանում IX—XIII դարերում. հ. 1, Երևան, 1958, էջ 238—239:

⁵ Բ. Ն. Առաքելյան, Գ. Հ. Կարախանյան. Գառնի III. Երևան, 1962, էջ 94—97, տախտ. 5:

⁶ Ա. Ս. Ժամկոչյան. Հայաստանի XIII դարի վերջի և XIV դարի հախճապակին. «Պատմա-բանասիրական հանդես», 1975, № 1, էջ 230—239:

⁷ Գառնիի պեղումները սկսվել են 1949 թ. և շարունակվում են առ այսօր ակադ. Բ. Ն. Առաքելյանի գլխավորությամբ:

ծական տեխնոլոգիայում տեղի ունեցան մի շարք փոփոխություններ: Վերջնականապես մասսայական կիրառություն ստացավ մաքուր կվարցային ավազից, կաոլինից և դաշտային շպատից (որպես սոսնձող նյութ) պատրաստվող սպիտակախեցի հիմքը՝ հախճապակին կամ քաշինը⁸: Նոր հիմքի հետ լայն կիրառություն գտավ նաև նոր տիպի՝ արկալիական ջնարակը, որն ի տարբերություն կապարային ջնարակի, հավասարաչափ նստում էր սպիտակ ֆոնի վրա բարակ ապակյա թափանցիկ շերտի ձևով, հնարավորություն տալով, որ ջնարակի տակ ներկերով կատարված նախազարգումը երևան բերի իր գունային ողջ հարստությունը: Բնական է, որ ենթաջնարակային նկարազարգումը լայն տարածում գտավ միայն արկալիական ջնարակի երևան գալուց հետո⁹: Տեխնոլոգիական այս փոփոխությունն իր մեջ ներառում է նաև նոր

⁸ «Քաշին» բառը ծագել է Քաշան քաղաքի անունից, որն ըստ հետազոտողների հանդիսացել է տեխնոլոգիական նորամուծությունների կարևոր կենտրոն: Տե՛ս A. U. Pope. Ceramic Art in Islamic Times. The History. A Survey of Persian Art (այսուհետև՝ SPA). vol. 2, New York, 1939, p. 1567. «Քաշին» տերմինը հախճապալի իմաստով օգտագործում էին նաև Քոթահայի հայ խեցեգործները: Երուսաղեմի Ս. Հակոբյանց տաճարի XVIII դարի սկզբի հախճապալերի արձանագրություններում դրանք անվանվում են չինի կամ քաշին: Տե՛ս J. Carswell and C. J. F. Dowset. Kūtahya Tiles and Pottery from the Armenian Cathedral of St. James Jerusalem. London, vol. 1, 1972, p. 32—33, 56—60, 62—63:

⁹ A. Lane. Early Islamic Pottery. London, 1958, p. 44—46; M. S. Dimand. A Handbook of Muhammad Art. Third ed. New York, 1958, p. 178—179; Ch. Wilkinson. Iranian Ceramics. New York, 1963, p. 6. Կվարցային ավազի մեծ պարունակություն ունեցող հիմքը սկզբունքորեն տարբերվում է նախորդ շրջանի ղեղնավուն հիմքից, որը նույնպես հնագիտական դրականության մեջ երբեմն որակվում է որպես հախճապակի: Ի տարբերություն բարձրորակ կվարցային հախճապակու (որն արհեստական խոնուրդ էր) այն պատրաստվում էր կաոլինով հարուստ սովորական կավից: Տե՛ս A. Lane, նշվ. աշխ., էջ 29; M. S. Dimand, նշվ. աշխ., էջ 168, 171:

ներկանյութերի՝ հատկապես կոբալտի լայն կիրառությունը¹⁰:

XII դարի վերջերից սկսած այս նոր տեխնոլոգիան տարածվում է նաև Միջին Ասիայում¹¹: Ինչպես կտեսնենք ստորև, Հայաստանի զարգացած խեցեգործությունն էլ այս ուղղությամբ առաջին փորձերը կատարեց XII դարի վերջերին:

Գառնիի քննարկվող խեցեղենն ըստ խեցու որակի կարելի է բաժանել երեք խմբերի.

I.—Կարմրախեցի անոթներ: Խեցու գույնը ստանալովում է բաց վարդագույնից մինչև աղյուսակարմրավուն և սովորաբար ոչնչով չի տարբերվում Գառնիի հասարակ և ջնարակապատ այլ տիպերի անոթների խեցուց, որոնց բնորոշ է փայլարի մեծ պարունակությունը ոսկեգույն մանր մասնիկների ձևով:

II.—Դեղնավուն խեցի՝ կաոլինի, կրի և աղացած խեցու զգալի պարունակությամբ: Այն ծակոտկեն է, փուխր և միջին դիրք է գրավում սովորական խեցու և բարձրորակ կվարցային հիմքի միջև: Այս խեցին տեղական վարպետների պրպտումների արդյունք էր՝ ընդօրինակելու համար բարձրորակ հախճապակյա հիմքը: Բոլոր անոթներն էլ առաջին խմբի նման պատված են անգործի թանձր շերտով, որի վրա էլ կատարվել է նկարազարգումը: Նախազարգման թե՛ հնարքներով, թե՛ ներկապնակով և թե՛ ռճով առաջին երկու խմբերի անոթներն էլ իրարից չեն տարբերվում:

III.—Հախճապակյա հիմք: Ինչպես կաշխատենք ցույց տալ ստորև, առաջին երկու խմբերը հանդիսանում են տեղական արհեստանոցների արտադրանք, իսկ երրորդ խումբը ներմուծվել է մերձավորարևելյան խեցեգործական կենտրոններից:

Գառնիի ենթաջնարակային նկարազարգումով խեցեղենը հիմնականում ներկայացված է փոքր ծավալի անոթներով՝ թասեր և պնակներ: Թասերը երևան են բերում երկու տարբերակ. կանոնավոր կիսագնդաձև իրանով, փոքր օղակաձև նստուկով, ուղիղ, առանց պրոֆիլավորման շրթերով անոթներ (մի քանի օրինակներ շրթից ներքև ունեն հորիզոնական ներձկում) և կոնաձև, հատակից կողերին շեշտակի անցումով, ընդգծված «մրհաձև» շրթով թասեր:

Թասերի այս երկու ձևերն էլ տարածված էին Մերձավոր Արևելքում XIII դարից սկսած և ա-

¹⁰ Э. В. Сайко. Среднеазиатская глазурированная керамика XII—XV вв. Душанбе, 1969, с. 119.

¹¹ Նույն տեղում, էջ 21:

ոանց փոփոխության հարատևեցին նաև XIV դարում¹²։

Պնակների բեկորները համեմատաբար ավելի բիշ են։ Գրանք ծանծաղ են, ունեն լայն օղակաձև նստուկի վրա հենվող կլոր հատակ և շեշտակի դուրս փովող լայն աղեղնաձև շուրթ։ Ինթադնարակալին նկարազարդումով խեցեղենի դասակարգումն ըստ խեցու որակի և առնթների ձևի, կարևոր լինելով հանդերձ, չի կարող ներկայացնել տեխնոլոգիական պրոցեսների, օդադործված ներկերի և ջնարակների, հարգարման ուճերի բազմազանությունը, որն առկա է այս խեցեղենում։ Ուստի դասակարգումը կատարել ենք բլեելով ջնարակի գույնից (տիպ), ներկերի դուլներին (ենթատիպ), ապա նոր դրանց ներքում ըստ հորինվածքի և զարդանախշերի առանձնացրել տարբերակները¹³։

I և II խմբեր. տեղական խեցեղեն¹⁴

I տիպ.—Բազմադուլն նկարազարդում անդուն, թափանցիկ ջնարակի տակ Այս տիպը Գառնի բնվող խեցեղենի ամենատվար խումբն է։ Ջնարակն անդուն է, երբեմն թեթևակի դեղնավուն կարգով։ Գառնի խեցեղենները միշտ չէ, որ կարողացել են ստանալ բարձրորակ ալիալիական ջնարակ. այն հաճախ խամբած է, կապույտ ներկը լուծվել է ջնարակի հետ։ Որոշ բեկորների վրա ջնարակը թափվել է կամ էլ պատված է կրակելուրեններով։ Գառնում հատկապես լայն տարածում ունեն անգույն թափանցիկ ջնարակի տակ կանաչ և կապույտ ներկերի համադրությամբ նկարազարդումը։ Այդ ենթատիպը ներկայացված է ինչպես բեկորներով, այնպես էլ համարյա ամբողջական մի օբյեկտով։ Այն մի փոքրիկ թաս է (№ 1963/28, նկ. 1.)¹⁵։ միջին բարձրությամբ օղակաձև

նստուկով, կանոնավոր կիսասֆերիկ իրանով, շարտֆիլավորվող շրթով։ Գրանք անոթի մակերեսը զարդարում են ուղղաձիգ կապույտ գոտիները։ Ընդհանրապես նշենք, որ Գառնի անոթների արտաքին մասի նախազարդումը զուտ երկրաչափական է և միակերպ (նկ. 1.)՝ միագույն կամ բազմագույն ուղղաձիգ գոտիներ, որոնք հենվում են նստուկից թիշ վերև անցնող հորիզոնական մեկ կամ երկու գոտիների վրա կամ էլ միագույն էլիպսաձև գալաղներ, որոնք նույնպես նստուկից թիշ վերև եղբրվում են հորիզոնական գոտիով։ Հորիզոնական գոտին երբեմն տեղադրվում է նաև շրթից ներքև։ Արտաքին մակերեսի այսպիսի պարզ և զուսպ, բացառապես երկրաչափական նախազարդումը Գառնի խեցեղենի գեղարվեստական հարգարման բնորոշ կողմերից է։ Ինչ վերաբերում է ուղղաձիգ գոտիներով հորինվածքին, ապա այն դեռևս XII դարի վերջերից հայտնի էր մերձավորարևելյան խեցեղենական կենտրոններում¹⁶։ Քննարկվող ժամանակաշրջանում այն ավելի ճոխ և խայտաբղետ տարբերակներով հանդես է գալիս Միջին Ասիայում և Ոսկե Հորդաչի մերձվուզյան քաղաքներում¹⁷։ Գառնի խեցեղենի այսպիսի ոչ բարդ հարդարումը իր նախօրինակներն ունի Դվինում¹⁸։ Անոթի ներքին մակերեսը կապույտ դոտիներով բաժանվում է շորս սեգմենտների։ Հատակին պատկերված քառաթև վարդյակի ամեն ծաղկաթերթից «ծաղուտ» է մի կանաչ ընձուղ՝ նեղ տերևներով և կապույտով նկարված հատապտղով։ Խեցեղործը, հավանաբար, պատկերել է իրեն ծանոթ որևէ թիփ շիվերը՝ պարզ, ռեալիստական ուճով։ Համանման շառավիղաձև հորինվածքով անոթները կաղմում են այս ենթատիպի առաջին տարբերակը։ Ընդ որում, ինչպես կարելի է դատել բեկորների մեծամասնությունից, բուսական և երկրաչափական նախշերով սեգ-

¹² A. Lane. Later Islamic Pottery. London. 1957, p. 9—10:

¹³ Ջնարակապատ խեցեղենի պարփակ խումբերի դասակարգման նման սկզբունքը, որ մըշակել են սովետական հնագետներ Ն. Վակատուրսկյան, է. Սալկոն, Ն. Բուլատովը և ուրիշներ, հնարավորություն է տալիս ավելի ամբողջական ներկայացնել նյութը և խուսափել կրկնություններից։


¹⁴ Քանի որ թե՛ առաջին և թե՛ երկրորդ խումբերին պատկանող բեկորները խեցուց բացի այլ առանձնահատկություններով չեն տարբերվում, դրանք ներկայացրել ենք համատեղ։

¹⁵ Նյութերի մեծ մասը պահվում է Հայաստանի պատմության թանգարանում. փակագծերում նշված են համապատասխան գույքահամարները։

¹⁶ A. Lane. Early Islamic Pottery, tab. 90—93.

¹⁷ Н. Н. Вактурская. Хронологическая классификация средневековой керамики Хорезма — Труды Хорезмской археолого-этнографической экспедиции, т. IV, М., 1959, с. 322, рис. 32/1; А. Якубовский. К вопросу о происхождении ремесленной промышленности Сарая Берке.—Известия ГАИМК, т. VIII, вып. 2—3, Л., 1931, с. 30—33, рис. 2, 4.

¹⁸ Ա. Ս. Ժամկոչյան. Միջնադարյան Հայաստանի հայաճապակին IX—XIV դարերում. Երևան, 1981, աղ. VIIIա 6, 8:



Նկ. 1

մենտները հաջորդել են իրար, կրկնելով նույն մոտիվները: Բուսական նախշադարձան հիմնական տարրը ընձյուղն է՝ կլորավուն կամ էլ լիպսածե պտուղներով, նուրբ կոթուններով, կանաչ ծաղիկներով և կոկոններով, տերևներով (№ 1968/37, 1964/246, 2176/72): Երկրաչափական զարդերը պարզ են և սխեմատիկ՝ գիգզազներ (№ 1965/167), թեք դծեր (№ 1968/32բ), ձգված կաթիլաձև նախշեր (այսպես կոչված «սիրամարգի աչքեր» (№ 1965/169):

Առանձնակի ուշադրության է արժանի մի բեկոր (№ 1965/167ե, նկ. 1գ), որտեղ պատկերված է շինական լոտոսով պսակվող ընձյուղ: Չինական մոտիվների կիրառումը մերձավորարևելյան խեցեղենում XIV դարից սկսած շատ դիտվող երևույթներից էր¹⁹: Պահպանված մի քանի բեկորների վրա հատակի վարդակի փոխարեն հանդես է գալիս կապույտ և կանաչ

¹⁹ A. Lane. Later Islamic Pottery, p. 7:

իրար հաջորդող գծերից բաղկացած ցանցկեն շրջանը (№ 1964/331, 1963/61), Հատակի զարդարումը ցանցկեն շրջանով դիտվում է նաև Անիի և Անբերդի համաժամանակյա խեցեղենում²⁰:

Նրկրորդ տարբերակը ներկայացված է երկու բեկորով: Այստեղ արդեն հորինվածքը առաջանում է հորիզոնական գոտիներից: Մի բեկորի վրա (№ 1964/248, նկ. 1_ա) միջին գոտին բաղկացած է կանաչ եզրագծերով էլիպսներից, որոնց վերևի կեսերը ներկված են կապույտ: էլիպսները պատկերված են կանաչ ուղղանկյուն կարճ գծերից բաղկացած ֆոնի վրա: Այս գոտուց վերև անցնում է կանաչ կրկնակի եզրագծով ներկված կապույտ եռանկյունների հորիզոնական շարքը: Նրկրորդ բեկորը (№ 1963/24, նկ. 1_բ) թասի շրթնամաս է: Կենտրոնական գոտին բաղկացած է արաբատառ արձանագրության նմանակումներից՝ նորից ուղղանկյուն կանաչ գծերից ֆոնի վրա: Այս գոտուց ներքև անցնում են կանաչ գծով ընդմիջակրված երկու կապույտ երկնյան և իրար հետ սուր անկյան տակ խաչվող գծերի մի շարք: Կանաչ և կապույտ հորիզոնական երկնյանով լնդգծված է շրթնամասը: Երկու բեկորներն էլ իրենց հարավամաս ոճով (առանձին նախշերի տեսլարում ուղղանկյուն գծերից բաղկացած ֆոնի վրա, էլիպսներ) մոտենում են մերձվողության համանուն խեցեղենի որոշ բեկորներին:

Այս տիպի մեջ նախապես կարելի է առանձնացնել և այլ ենթատիպեր՝ նկարազարդում կապույտով և դարչնագույնով, կապույտով և մանուշակագույնով: Ճիշտ է, դրանք ներկայանում են փոքրաթիվ բեկորներով, սակայն վկայում են այս կամ այն երանգի ներկի ստացման և կիրառման տեխնոլոգիայի առկայությունը, որը խեցեղորձական արհեստի զարգացման մակարդակի կարևոր չափանիշներից է: Կապույտ և դարչնագույն նկարազարդումով մի բեկորի վրա (№ 1964/348, նկ. 1_գ), որը պատկանում է «մրճաձև» շրթով թասի, նկարված են ոչ բարդ երկրաչափական հորինվածքներ՝ հորիզոնական գոտիներ, աղեղներ, բառակուսիներ՝ ներսում ստորակետաձև նախշերով: 1981 թ. սիզդումներից գտնված մի այլ բեկորի վրա պատկերված է ցանց՝ կապույտ և դարչնագույն իրար հաջորդող գծերով: Կապույտ և մա-

նուշակագույն ներկերի համադրությամբ նախազարդված բեկորներն էլ սակավաթիվ են: Օսկայն անհետաքրքիր չէ, որ մանուշակագույն ջնարակը և ներկը լայն տարածում ունենին Գաանիում: Քննվող ժամանակաշրջանի կապարային ջնարակով պատած և փորագիր զարդերով խեցեղենի համար այն պարտադիր տարր էր:

II տիպ.— Գառնիում հանդիպում են նաև բեկորներ, որոնց բնորոշ է միագույն նկարազարդումը անգույն թափանցիկ ջնարակի տակ՝ կապույտ կամ մանուշակագույն ներկով: Ուշագրավ է մանուշակագույն նկարազարդումով մի բեկոր (№ 1968/32, նկ. 1_դ), որի վրա պատկերված է կակաչ հիշեցնող ծաղիկ՝ մանր տեղաների և բողբոջների ֆոնի վրա: Սակայն առանձին տիպի առանձնացումը, երբ որոշ անոթների վրա, որոնցից պահպանվել են միայն բեկորներ, կարող էին տեղ գտնել և այլ երանգներ, պետք է խիստ պայմանական համարել:

III տիպ.— Միագույն նկարազարդում փիրուզագույն ջնարակի տակ: Այս տիպի խեցեղենը բավական տարածված էր Գառնիում: Ըստ օդտազործվող ենթաջնարակային ներկերի բաժանվում է երկու ենթատիպերի:

Ա ենթատիպ.— Նկարազարդում կապույտով (կորալտ) փիրուզագույն ջնարակի տակ: Կորալտի կիրառությունը միջնադարյան ջնարակապատ խեցեղորձության մեջ հայտնի է նրա առաջին իսկ քայլերից: Կորալտով նախազարդված անոթների դասական օրինակներն էլ տվել IX դարի Սամառյան դպրոցը²²: Հայաստանում էլ կորալտի օգտագործման առաջին փուլերը հայտնի են Դվինի IX դարի խեցեղենի որոշ օրինակներից: որոնք սամառյան բարձրորակ անոթների տեղական նմանակումներն են հանդիսանում²³: XII դարի վերջերից այն դառնում է ամենամասսայականը և գտնում իր տիպական կիրառությունը՝ փիրուզագույն ջնարակի համադրմամբ, ստեղծելով սև (կորալտի ներկ) և կապույտ (փիրուզագույն ջնարակ) երանգների զուգորդումը²⁴, որը մերձավորարևելյան խեցեղենում պահպանվեց մինչև XIX դարը:

22 A. Lane. Early Islamic Pottery, p. 13, tab. 8b; M. S. Dimand, Նշվ. աշխ., էջ 163; Ch. Wilkinson, Նշվ. աշխ., էջ 5:

23 Ա. Ա. Փալանջյան. Դվին I, Կենտրոնական թաղամասի պեղումները. Երևան, 1976, էջ 82—83, աղ. 32/3, 7: Ա. ժամկոչյան. Միջնադարյան Հայաստանի հախճապակին, էջ 89—91, աղ. 1:


24 Յ. Բ. Շախոբադյան, Նշվ. աշխ., էջ 112, 119:

20 Ա. Ա. ժամկոչյան. Միջնադարյան Հայաստանի հախճապակին, էջ 126, աղ. IX 3, IXա 6:

21 Н. М. Булатов. Классификация капитальной керамики золотобордынских городов: СЛ, 1968, № 4, с. 101—102, рис. 1/5:

Ըստ Ն. Մ. Բուլատովի, փիրուզագույն թափանցիկ ջնարակի տակ կորալտով նախշազարդումը ծագել է XII դարում տարածված «սիկուլո—արաբական» հայտնի անոթների նախշազարդումից: Այդ անոթների նախշազարդումը կատարվում էր շողյունով՝ կապույտ ֆոնի վրա:

կան և երկրաչափական զարդերը: Ընդ որում, բոլոր բեկորների վրա էլ ներկայացված են ամբողջական թփեր կամ ոստեր՝ ծաղիկներով, կոկոններով, տերևներով, երբեմն էլ պտուղներով: Այսպես, № 1963/20 բեկորի վրա (նկ. 2.) պատկերված է նոնենու մի ճյուղ՝ պտուղ-



Նկ. 2

Ժամանակի ընթացքում ոսկեգույն ներկը թափվում էր և առաջանում էր կապույտ ու սև գույների խաղը. հենց այս գունային համադրումն էր, որ XII դարի վերջերից, բայց արդեն տեխնիկական այլ միջոցներով, լայն տարածում ստացավ մերձավորարևելյան խեցեղենում²⁵:

Ներկայացվող օրինակները կիսասֆերիկ թասերի բեկորներ են: Հորինվածքը շառավղաձև է, հաճախ բաժանված սեգմենտների, որի դեպքում մեկընդմեջ իրար են հաջորդում բուսա-

ներով, տերևներով և ծաղիկով: Նկարն արված է կորալտի հաստ, փոքր-ինչ ուռիկաձև տերով: Զարդի բոլոր դետալները պարփակվում են կետերից բաղկացած ուրվագծերով: № 1963/22 բեկորի վրա (նկ. 2₂) պատկերված են նուրբ և բարակ ընձուղներ, որոնք ավարտվում են շուշանի գլխահակ ծաղիկներով: Նույն ունակիտական ոճով, կակաշ հիշեցնող ծաղիկներով և լայն տերևներով մի թուփ է պատկերված № 1967/108 բեկորի վրա (նկ. 2₃): Այստեղ էլ առանձին մանրամասները պարփակվում են կետերից կազմված ուրվագծերի մեջ: Անկանոն էլիպսաձև տերևներով մի ճյուղ էլ կարելի է տեսնել № 1963/19 բեկորի վրա (նկ. 2₄):

²⁵ Н. М. Булатов. К вопросу о становлении керамического ремесла в золотоордынских городах.—Вестник Московского университета, История. 1969, № 2, с. 51.

Քուսական աշխարհի ունեցողական, առանց պաշտոնանքի պատկերումը, սև և կապույտ երանգների շահագրգիռ, լուսաստվերային էֆեկտ ստեղծող խաղը շահականորեն առանձնացնում են այս բեկորները Գառնիի ենթաշրջանարկային նկարազարդումով խեցեղենի մեջ:

Քուսական աշխարհի այսպիսի վերարտադրությունը բնորոշ էր նաև Անիի խեցեղենին: Կերպարանաբար, դրանցից միայն մի քանի բեկորներ են մեզ հասել²⁶: Այս մոտիվները հանդիպում են նաև մերավոլոգյան խեցեղենում²⁷, իրերաչափական դարձրելու պարզ են և միօրինակ (նկ 2գ, վերևի շարք): Հիմնականում ուղիղ և թևք ցանցեր են (№ 1965/169, 1967/107, 1967/149) եղևնաձև դարձեր (№ 1963/25), թևք և ուղղաձիղ գծերի փնջեր (№ 1969/91), զիզղադներ (№ 1969/13): Առանձին գրավչություն ունեն խաչաձև փոքրիկ նախշերը, սրունք կանոնավոր շարքերով դասավորվելով կապույտ ֆոնի վրա՝ հիշեցնում են թուրքերի երամ (№ 1963/23, նկ. 2գ, ներքևի շարք): Այն հանդիպում է նաև Անիում և Անրեղում²⁸: Այդ ոչ յարդ, բայց յուրօրինակ հորինվածքը հայտնի է Քաշանի խեցեղենի վրա դեռևս XII դարի վերջերից²⁹: XIII դարի II կեսին այն տարածվեց նաև Միջին Ասիայում և Մերավոլոգյում³⁰: Ուստի դժվար է համաձայնել Ն. Մ. Բուլատովի այն տեսակետի հետ, թե խաչանշանով հորինվածքը Ոսկե Հորդայի արհեստավորների հայտնադործությունն էր³¹:

Բ երախտիպ.— Նկարազարդում կանաչով (քրոմ) փիրուզագույն ջնարակի տակ: Եթե կորայտուր փիրուզագույն թափանցիկ ջնարակի տակ ստանում էր սևակապտավուն երանդ, ապա բրոմբ ստանում էր սևականաչավուն ե-

րանգ: Նախորդ ենթատիպի համեմատ զարդերն այստեղ խճողված են ու անարտահայտիչ: Ափսեհի մի բեկորի վրա (1969 թ. պեղումներից, պահվում է Գառնիի հնագիտական հանգրվանում) հատկամասի ցանցկեն շրջանից բարձրանում են բնօրինակ երկար, ատամնավոր եզրերով տերևներով: Մի այլ բեկորի վրա ցանցկեն շրջանը ներառնված է հաստ շերտերով նկարված քառակուսու մեջ (№ 2288/19): Հատկամասի կենտրոնական ցանցկեն զարդին երբևէ փոխարինում է բազմաթերթ ճոխ վարդյակը (№ 1965/167, նկ. 2գ):

III խումբ. երամուծված խեցեղեն

Գառնիի ենթաշրջանային նկարազարդումով խեցեղենի մեջ այս ոչ մեծ խումբը (մոտ երկու տասնյակ բեկորներ) առաջին երկուսից առանձնանում է իր հախճապակյա հիմքով: Այն պատրաստված է կվարցային ավազից, հաճախ սիլիկատային (սովորական) ավազի զգալի պարունակությամբ, որի ղեպքում զարդվածքում սպիտակամոխրագույն է: Ջնարակն ավելի մաքուր է և թափանցիկ, սակայն վերին շերտը խիստ իրիզացված է, ուստի նախշերը խամրած են և զժվար բնկալելի: Այս խմբի որոշ բեկորների վրա հանդիպում է սև ներկը, որը բացակայում է առաջին երկու խմբերում:

I տիպ.— Բազմագույն նկարազարդում անգույն թափանցիկ ջնարակի տակ:

Ա երախտիպ.— Նկարազարդում կապույտով և կանաչով անգույն թափանցիկ ջնարակի տակ: Այս ենթատիպին պատկանող բեկորները գրեթե նրվել են 1965 թ. պեղումներից (պահվում են Գառնիի հնագիտական հանգրվանում): Մի քանի բեկորներ էլ երևան եկան 1981 թ. պեղումների ժամանակ (նկ. 3լ): Ջնարակը թեթևակի իրիզացված է, խամրած, որի պատճառով էլ ենթաշրջանային նկարազարդումը մշուշված է: Հորինվածքը շառավղային է, արված գուսպ երկրաչափական մոտիվներով: Կապույտ և կանաչ գույն ուղղաձիգ գծերը հարդարում են արտաքին մակերեսը: Ներսի մակերեսը կապույտ գծերի ուղղաձիգ փնջերով բաժանվում է սեզմենտների, որոնք դարձրված են շրջանական խմբավորված կանաչ կետերով կամ կանաչ գրծերից բաղկացած և կանաչ կետերով հարդարված հորիզոնական ցանցով: Թե՛ խեցին, թե՛ ջնարակը ընդ տարբերվում Սուլթանաբազի շրջանի խեցեղենից: Սուլթանաբազի շրջանի հախճապակին ավազի որոշ պարունակության պատճառով մոխրագույն է, ոչ այնքան կարծր: Ջնարակը հակված է քայքայման իրիզացիայի միջոցով, որի պատճառով զարդերը հաճախ չեն

26 Б. А. Шелковников, *նշվ. աշխ.*, էջ 62—64: Ա. ժամկոչյան. *Միջնադարյան Հայաստանի հախճապակին*, աղ. X, 3, 4:

27 Ф. В. Баллод. Старый и Новый Сарай, столицы Золотой Орды. Казань, 1923, с. 43, рис. 15.

28 Ա. Ս. ժամկոչյան. *Միջնադարյան Հայաստանի հախճապակին*, աղ. IXա, 6:

29 A. Lane. Early Islamic Pottery, tab. 87a.

30 А. Якубовский, *նշվ. աշխ.*, նկ. 15, 17—20 (բերված են օրինակներ ինչպես Սարայ Բերքերից, այնպես էլ Կոնյա Ուրգենչից): Н. Н. Вактурская, *նշվ. աշխ.*, էջ 323, նկ. 34: Э. В. Сайко, նկ. 8/2:

31 Н. М. Булатов. К вопросу..., с. 52.

կով նկարված են կոթր թերթերով ծաղիկներ և կլիպսաձև տերևներ. ողջ ֆոնը «աշխուժացված» է կապույտ ցալտերով, Ջնարակը թույլ է կողմ կալած շիմրին և տեղ-տեղ թափվել է:

Մի այլ բեկորի վրա (№ 2176/32, նկ. 3₂) կապույտ տարածվող ներկով նկարված է ութնամյա տղայի պորտրետը, որի թևերը զարդարված են սև ներկով արված եռանկյունիներով. էլիպսներով և շրջաններով: Իր դարդանախշումով այն մոտենում է ուշ բաշանյան սրող օրինակներին³⁵: Այս ենթատիպի ամենատարածված բեկորը մի խոր թասի հատակամաս է (№ 2176/46, նկ 3₄): Չորս շառավղաձև լայն պոտիները, որոնք կրում են արաբատաս արձանագրություններ (չնայրակի իրիդացիայի պատճառով հազիվ են նկատվում), ներսի մակերեսը բաժանում են շորս սեղմնեաների: Այդ սեղմնեաներում սև ներկով պատկերված են տերևներով շրջապատված արմավի պտուղներ: Աչքի է զարնում սխևմատիզմը և գոսվածությունը: Նրկու այլ բեկորների վրա (№ 1968/32, նկ. 3₅) պատկերված են հորիզոնական գոտիներով տեղադրված լայն, «սիրամազի ալք» հիշեցնող տերևներ: Տերևների շառավղաձև անկանոն, խիտ շարքերն ալկիի բնորոշ են Սուլթանաբադի շիրջանի խեցեղենին³⁶:

Գրանիի այս ենթատիպին պատկանող խեցեղենն էլ ներմուծված է Քաջանից կամ Սուլթանաբադից:

11 տիպը — ենթաշնարակային նկարադարձում կապույտով (կորալտ) վիրուպագույն ջնարակի տակ: Այս տիպին պատկանող բեկորները միայն մի քանի հատ են, 1981 թ. պեղումներից: Դրանք լայն, մրճաձև կամ շարճիալուրված շրթերով թասերի մասեր են (նկ. 3₆): Բեկորներն այնքան յուրք են, որ բնդհանուր հորինվածքի մասին ոչինչ ասել հնարավոր չէ: Մի բեկորի արտաքին մակերեսը կապույտ, ուղղաձիկ կրկնակի գծերով րամանված է գոտիների, որոնց վրա նկատվում են ձկների սխևմատիկ պատկերներ: Այս բեկորները գուրս եկան 200—215 սմ խորությունից և շերտադրորեն պատկանում են XIII դարի սկզբներին կամ կեսերին: Գրանիում նման խեցեղենի տեղական խումբը ներկայացված է րարճորակ բաղմաթիվ անթներով: Նախապես կարելի է կարծել, որ տեղում արտադրանքի որոշ ծավալով կաղմակերպումը չի խթանել այլ վալրերից դրանց ներմուծմանը:

Ինչպես տեսնում ենք, շատ օրինակներ, իրենց հատկանիշներով առանձնանալով առաջին երկու

խմբերից, բնդհուպ մոտենում են քաջանյան կամ սուլթանաբադյան խեցեղենին: Անշուշտ, պատահական չէ, որ տեղում դրանց արտադրանքի օգտին փաստեր չկան: Ավելի քան հավանական է, որ Գրանիում բարճորակ հասնակու արտադրություն չի կաղմակերպվել³⁷:

Գրանիի ենթաշնարակային նկարադարձումով խեցեղենի դասակարգումն ու նկարագրությունն ավարտելով, անհրաճեշտ ենք համարում անդրադարձնալ այդ խեցեղենի թվագրության և տեղում դրա արտադրանքի կաղմակերպման հարցերին:

Դեռևս Բ. Ն. Առաքելյանը այդ խեցեղենի թրվագրության ներքին սահման նշել է XIII դարի կեսը՝ հիմնվելով Դվինում նման օրինակների բացակայության վրա³⁸: Դրանից հետո Դվինի պեղումները տվել են ենթաշնարակային նկարադարձման մի քանի նմուշներ, որոնք հասակորեն թվագրվում են XII դարի վերջով և XIII դարի սկզբով³⁹: Սակայն Դվինի այդ մի քանի անոթները վկայում են նոր խեցեղենի արտադրության սկիզբը միայն: Այսպես, Դվինում իսպուռ բացակայում է կարմիր և դեղին փուխր խեցի ունեցող ենթաշնարակային նկարադարձումով խեցեղենը: Դվինի եղակի օրինակները չեն տալիս նաև տեխնոլոգիական և ոճական այն դանաղանությունները, որոնք առկա են Գրանիի խեցեղենում: Անհնար է պատկերացնել, որ երբ Դվինում նոր խեցեղենի արտադրության առաջին քայլերն էին կատարվում, Գրանին արդեն կարգավորել էր դրանց մասսայական արտադրությունը: Անհնար է նաև, որ մինչև XIII դարի կեսերը այդ խեցեղենի մասսայական արտադրանք կաղմակերպվեր միայն Անիում: Ինչպես բաղմիցս նշվել է հետազոտողների կողմից, Դվինը, որպես արհեստագործական կենտրոն, ոչնչով չէր դիջում Անիին: Անիի պեղումներից պահպանված խեցեղենի մեջ ենթաշնարակային նկարադարձումով բեկորները եղակի են և նույնական լինելով Գրանիի հետ, զժվար թե ժամանակագրորեն առանձնանան: Այսպիսով, Գրանիում այդ խեցեղենը չէր

³⁵ SPA, vol. 5, tab. 732.
³⁶ A. Lane. Later Islamic Pottery, tab. 2a:

³⁷ Մոնղոլական արշավանքից հետո վրաստանում, որը համեմատաբար ավելի բարճք քաղաքական վիճակում էր քան Հայաստանը, նույնպես դադարեց հասնակու արտադրությունը. տե՛ս Ն. Ֆ. Մամախաշվիլի, նշվաշխ., էջ 117:

³⁸ Բ. Ն. Առաքելյան. Քաղաքները և արհեստները..., էջ 238—239:

³⁹ Ա. Ս. ժամկոչյան. Միջնադարյան Հայաստանի հախճապակին, էջ 119—120:

կարող արտադրվել XIII դարի կեսերից շուտ⁴⁰։ Սակայն այս փաստարկները դեռևս չեն ապացուցում, որ այդ խեցեղենը արտադրվել է XIII դարի կեսերից սկսած և ոչ թե ուշ։

1980 և 1981 թթ. պեղումների ժամանակ այս հարցը պարզելու համար -4 ժա, ժբ, ժգ և -5 ժա, ժբ, ժգ քառակուսիներում զրանցվեցին բոլոր բեկորները։ Ենթաջնարակային նկարազարդումով բեկորները երևան են գալիս 20—30 սմ խորությունից և անհետանում են 200—220 սմ խորության վրա։ Այս խեցեղենին ուղեկցող բազմաթիվ բեկորների մեջ կարելի է առանձնացնել խեցեղենի մի քանի խմբեր, որոնք նույնպես բնորոշ չէին Դվինին՝ հախճափազեր, շինական սելադոն, կարմիր փայլեցումով նախշազարդված խեցեղեն և այլն։ Մոտ 200 սմ խորության վրա սկսեցին երևան գալ նաև փորագիր նախշազարդումով ջնարակապատ անոթների բեկորներ՝ բնորոշ XII դարի վերջի և XIII դարի սկզբի համար, իսկ 220 սմ խորության վրա բացվեց հնձան, որի հատակին նույնպես թափված էին այդ խեցեղենի բեկորներից։ Հնձանի հորի եզրին գտնվեց վրացական թամար թագուհու պղնձե դրամը՝ կտրված քրոնիկոնի 420 (=1200) թ.⁴¹։ Հնձանը կարող էր կառուցվել XII դարի վերջերին կամ XIII դարի սկզբներին, ամենայն հավանականությամբ մինչև 30-ական թթ., երբ այդ դրամները դեռ լայնորեն շրջանառության մեջ էին և նրանցից մեկը պատահաբար կարող էր հայտնվել հորի եզրին։ Համենայն դեպս, փորագիր նախշազարդումով ջնարակապատ խեցեղենով ենթաշերտը վերաբերում է XIII դարի մոտ 30—40-ական թթ., որին էլ ժամանակագրորեն հաջորդում է ենթաջնարակային նկարազարդումով խեցեղենի շերտը և այն XIII դարի կեսերից ավելի ուշ թվագրելու հիմք չկա։

Գառնիի քննարկվող խեցեղենը առանձնացված օղակ չէր։ Ինչպես տեսանք, այն բազմաթիվ զուգահեռներ ունի առաջավորասիական,

միջինասիական և մերձվուզյան խեցեղենի հետ և փաստորեն կազմում է մշակութային մի համընդհանուր երևույթի տարբերակներից մեկը։ Հետաքրքիր է, որ այս խեցեղենի մասսայական արտադրանքը Միջին Ասիայում և Ոսկե Հորդայի մերձվուզյան քաղաքներում նույնպես սկսվում է XIII դարի 50-ական թթ.⁴²։ XIV դարի վերջին մերձվուզյան քաղաքներում այն մարում է, իսկ Միջին Ասիայում նրան փոխարինում է թիմուրիդյան խեցեղենը⁴³։ Հիշատակենք նաև Սուլթանաբադի շրջանից ներմուծված խեցեղենի մասին, որը միշտ ուղեկցում է այս խեցեղենին և ունի թվագրման հստակ սահմաններ՝ XIII դարի կեսից մինչև XIV դարի վերջը։ Ուշագրավ է, որ Վրաստանի հոշարձաններում էլ (Դմանիսի, Գուգբեխի, Ուզրամա, Բաթումի, Սուխումի) այդ խեցեղենը շերտագրորեն և ժամանակագրորեն տեղադրվում է նույն շրջանակներում⁴⁴։

Գառնի գյուղաքաղաքի առավել ծաղկումը նույնպես վերաբերում է XIII դարի երկրորդ կեսին և XIV դարին։ Այս ժամանակաշրջանին են պատկանում Գառնիի մասին ամենաշատ հիշատակութունները գրավոր աղբյուրներում և արձանագրական բաղմամբնույթ տեղեկութունները։ XIV դարի վերջին լանկ-թամուրի հրոսակները ավերեցին նաև Գառնին, որն էլ պիտի համարել ենթաջնարակային նկարազարդումով խեցեղենի թվագրության վերին սահմանը։ Գառնիի մակերեսային շերտերից գտնված միայն հատուկներ ջնարակապատ բեկորներ են, այն էլ ներմուծված, որ կարող են վերաբերել XV—XVI դդ.։ Անշուշտ, երբ հիսնամյակների ընթացքում Գառնիի քննարկվող խեցեղենը պետք է որ կրած լինի որոշ փոփոխութուններ, սակայն եղած բեկորային հիմքի վրա հնարավոր չէ այս կամ այն չափով ուղղագծել դրանք։ Գառնիի ենթաջնարակային նկարազարդումով խեցեղենի մեծ մասի (բացառյալ բարձրորակ հախճափակին) տեղական արտադրության օգտին ոչ քիչ փաստեր է բերել Գառնիի խեցեղենի առաջին հետազոտող Գ. Լ. Կարա-

40 Ենթաջնարակային նկարազարդումով խեցեղենի այսպիսի «ալիքային» տարածում տեղի է ունեցել նաև Միջին Ասիայում։ Առաջին օրինակները երևան եկան XII դարի վերջերին, սակայն մոնղոլական արշավանքը այստեղ էլ արգելակեց դրա զարգացումը։ Անցումը մասսայական արտադրության դիտվում է միայն XIII դարի երկրորդ կեսից սկսած (Н. Н. Вактурская, նշվ. աշխ., էջ 300; Н. М. Булатов, К вопросу..., с. 46)։

41 Դրամը որոշել է Հայաստանի պատմության թանգարանի գիտաշխատող Լ. Սարգսյանը։

42 А. Ю. Якубовский, նշվ. աշխ., էջ 29; Б. В. Жиромский, Ага-Базар.— МИА, № 42, М., 1954, с. 334—335; Н. М. Булатов, К вопросу..., с. 46; А. Ф. Медведев, Ближневосточная и золотордынская керамика из раскопок в Новгороде. МИА, № 117, М., 1963, с. 273.

43 А. Ю. Якубовский, նշվ. աշխ., էջ 29—30; Э. В. Сайко, նշվ. աշխ., էջ 73։

44 Ն. Ֆ. Մամաի աշխիլի, նշվ. աշխ., էջ 117։

խանյանը: Թասերի զգալի մասը իրենց հատակին կրում են վարպետների նշաններ, որոնցից մի քանիսը կրկնում են և ընորոշ են Գառնիի համար: Պեղումների ժամանակ գտնվել են նաև խոտանված անոթների բեկորներ և թրծման ժամանակ օգտագործվող եռոտանի հենակներ⁴⁵. Գառնիի այս խեցեղենի առաջին խմբի խեցին չի տարբերվում ինչպես ջնարակապատ, այնպես էլ հասարակ խեցեղենի այլ խմբերից: Արանդ ընորոշ է կարմրաաղյուսադույն խեցին փայլարի մեծ պարունակությամբ: Երկրորդ խմբի խեցու համար որպես հիմնական բաղադրամաս տեղացի խեցեգործները կարող էին օգտագործել Գառնիի րաց ղեղնավուն կավը, որի ստվար կուտակումները գտնվում են այժմյան դուղիից հարավ, Աղատ գետի աջ ափի դարավանդներում: Գառնիի խեցեղենի տեղական արտադրանքի օգտին կարելի է բերել և այլ փաստեր: Երկրորդ խումբը աչքի է ընկնում իր փրկությունությամբ, որով և տարբերվում է միջինասիական և մերձվոլգյան վարդագույն կարմիր խեցուց: Գառնիի խեցեղենում չի ներկայացված սելենի նախադարձումով տիպը, որն այնքան տարածված էր Ոսկե Հորդանի խեցեղենում: Վերջապես, Գառնիի խեցեղենի նախընթաց

45 Բ. Ն. Առաքելյան, Գ. Հ. Կարախանյան, նշվ. աշխ., էջ 93—94:

տեղանցված են, համապատասխանեցված տեղական վարպետների նշաններ⁴⁶:

Առայժմ Գառնիում խեցեգործական արհեստանոցներ չեն հայտնաբերվել, սակայն բերված փաստերն անտարակուսելի են դարձնում տեղում այս խեցեղենի արտադրությունը:

Մոնղոլական արշավանքների հետևանքով Հայաստանի մի շարք արհեստագործական կենտրոններ ուժեղ հարված ստացան: Դվինն այլևս չվերականգնվեց, Անին աստիճանաբար քայքայվում էր: Նման պայմաններում արհեստագործական կյանքը տեղափոխվեց ավելի փոքր կենտրոնները, որոնցից մեկն էլ Գառնին էր: Գտնվելով Դվինի մոտ և վայելելով Զաքարյանների հովանավորությունը (որոնց իշխանության ներքո գտնվում էր գյուղաքաղաքը), ավելի բան հավանական է, որ այն հանգրվան գարձավ դվինցի շատ վարպետների համար⁴⁷: Դվինի վարպետներն ըստ երևույթին զգալի մասնակցություն ունեցան նոր խեցեղենի վարձագաման գործում, մանավանդ, որ Դվինում այն արտադրելու փորձերը կատարվել էին դեռևս XI դարի վերջերից սկսած:

Հ. Լ. ՊԵՏՐՈՍՅԱՆ

46 Ա. Ս. ժամկոչյան. Հայաստանի XIII դարի վերջի և XIV դարի հախճապակին, էջ 233:

47 Բ. Ն. Առաքելյան, Գ. Հ. Կարախանյան, նշվ. աշխ., էջ 20:

ОБ ОДНОМ ДОКУМЕНТЕ, СОСТАВЛЕННОМ Е. ЛАЧИНОВЫМ

В Центральном государственном военно-историческом архиве, в фонде «Канцелярия военного министерства» хранится дело «По предмету устройства управления Эриванской провинции», которое содержит материалы по управлению частью восточноармянских земель с ноября 1827 по май 1832 гг. Среди них находится «Подробная программа для составления полного статистического описания Эриванской области», посланная 25 января 1828 г. начальнику главного штаба И. И. Дибичу за подписью председателя Эриванского областного правления генерал-лейтенанта А. И. Красовского¹. Вопрос авторства документа и точно-

го времени его составления решает переписка декабриста Е. Е. Лачинова (1799—1875), который занимался делопроизводством у председателя областного правления². Им отмечено: «Генерал Красовский, в начале текущего года (1828,—В. Т.), поручил мне заняться составлением подробного статистического описания Эриванской области». Указание Лачинова о составлении программы в течение двух недель позволяет начало работы над ней датировать 10 января 1828 г., поскольку она была отослана 25 января. Задачей было срочным, «от меня не требовали произведения

² См. о нем: М. Г. Нерсисян. Декабрист Е. Лачинов и его записки об Армении.—Из истории русско-армянских отношений. Кн. I. Ереван, 1956, с. 179—219; М. О. Косвен. Этнография и история Кавказа. М., 1961, с. 173, 174.

¹ А. И. Красовский (1780—1843), командир 20-й пехотной дивизии, председатель Эриванского областного правления с октября 1827 по март 1828 гг.